



靜佳龍尋棠

和顏長官百詠 并引

建安朱

繼芳

季實

龍尋邑東有顏長官仁郁祠長官五代時能抚循
其民使不見兵革龍尋志所刻詩百篇皆道民疾
苦皇之不洽之狀余生三百年後奉 天子命字
茲邑晉謁祠下因次韻以寄甘棠之思且使來者
知吾愛相鄉之意云

農桑

表飯驅兒候暖耕
塋泥滑不堪行
如何說得農家

NATIONAL CENTRAL LIBRARY, TAIWAN, R.O.C.

苦雨笠風蓑過一生

婦饁耕夫日尚長
碓声呜咽宿春粮
尋思一飯何時飽
秧種青已變未黃

淡黃竹紙說蠲逋
白紙仍科不稼
租努力經營犹恨晚
官司那問有錢無

編茅為屋荻為簾
老小團聚苦樂兼
樂歲輸丁犹未了
飢年家口更堪添

頭白村翁尚把鋤
瓶中那復斗升儲
午飡減与饑鳥食
却愧家人問有餘

四月官場入納時
鄉耆旁午上門追
請看貧婦通宵

織身上曾無排挂一絲

腸隨絲斷手生胝
羨殺星邊織女机
借問輸官零落否
兒郎寒冷且無衣

農父眉頭百念攢
雨愁爛死旱愁乾
龍神社鬼燒香遍
不到秋成睡得安

客戶耕田主戶收
螟蝗水旱百般憂
及秋幸有黃雲割
債主相煎得自由

帶得鷄豚趁曉荒
村牢落教家居
一家幸是田園主
留与兒孫寫契書

朱門

紅雨聲乾未作泥，繡成十里綠楊堤。
金杯後，勸玲瓏唱玉勒，催歸驄。曩嘶。

晉代豪華不數家，萬錢下筋未為奢。
客來只是家常飯，豆粥萍羹費吐嗟。

曲池畢竟有平時，冷眼看他炙手兒。
十數年間三易主，烏知來者復為誰。

客復三千此托身，晚杯狐白暖生春。
狂來且置興亡事，金塢銅陵不解貧。

天近偏承雨露深，庭院鎖清明。
柳絲風送鞦韆影，牆外行人空復情。

朱門往事若為懷，積雨苔痕綠上階。
几處敗甌吟蟋蟀，玉人曾此溜金釵。

百斛明珠未入倉，沉香火底捻銀簧。
人生行樂那須許多少，邊兵未有糧。

泥金摺損舞衣羅，感破遥山皓齒歌。
此曲人間聽不得，莫愁還自有愁多。

中壽知無滿百身，暖歌冷舞及青春。
黃金不買長生藥，白髮偏驚快活人。

長鞦韆馬却歸來，雉挾春嬌未應媒。
不信杏梁雙燕語，日長簾幙有風開。

客路

一曲長歌行路難
昏鴉歸盡倚闌干
不知楚水巴山地
更有高樓馬外看

哀猿啼斷暮雲深
摸索林頭未盡金
莫道他鄉千萬里
去家三日几般心

兒女傷悲士不為
健行童僕遠相依
春風日日生芳艸
未必啼鶉怨不歸

俠客千金不稱求
途窮相顧問因由
旣贈青萍劍
莫蕩人間瑣碎仇

客裏情懷更晚秋
鴈烟菴雨五更頭
從前諳盡江湖

味不省神州作麼愁

身如海燕傍誰門
別淚雙垂不見親
惟有一條印竹杖
相隨萬里共艱辛

是處人家搗練忙
天寒日短路偏長
菴聲四壁無時

歇不遣羈人夢到鄉

送窮窮不去奈窮何
山有荆榛水有波
萬物得時人自

老梁鴻頭白五噫歌

屈指秋風與鴈期
陽關西去到何時
側身一望腸堪

斷天似穹庐碧四垂

高鳥翻、去未窮
行人擾、復西東
何須華表千年

鶴城郭重来便不同

邊庭

年、塞草欲秋時左右紅旗說戰机介曹麓官應有
語而今宰相好吟詩

角声吹裂肺肝愁說与將軍莫逗留男子生當侯萬
里死判馬革海西頭
一飯沙場獨苦辛天陰殺氣作黃塵沉思鳥尽弓無
用肘後纍、却顧身
探使歸來半信疑帳前相語怕人知沉香霧裏嬌絃
暖莫遣邊愁到兩眉

征夫戰骨洒桑乾帳下蒼頭自轉官一騎紅塵天外
落籌功更說几多般
公主琵琶胡地秋將軍刁斗漢關愁相逢老病無依
卒未說沙場淚已流
蒼苔白骨滿黃沙馬汗成冰帶雪花夜、鞘中長缺
吼教人不得夢還家
有客新從塞上回解包收得戰場灰營家未敢分明
哭請看刀痕始欲哀

虜退邊方得暫寧寒見紅近莫休兵漢家錯信和親
說不見胡雛与父爭

北風吹帽最酸辛
白面書生四角巾
戰士總成亡命
鬼將軍總是有功人

城市

村翁生長在柴門
身有丁男犢有孫
為了官租總出
市歸家夸說與鄉村

崔羅門巷昔趨榮
味似錫甜忽變辛
說與侯門休謝
客朝、暮、看人情

王孫公子少年遊
醉裏樗蒲信未投
指點某莊還博
直明朝酒醒到家求

山人只合住山中
入得城來調不同
滿面紅塵無處
避手携白羽障西風

紫陌尋春日、過楊花無主奈
春何傾城壓酒嬌
無力醉裏相扶踏、歌

相班士女狹邪間
總把喧啾賣却閑
人壽几何春不
再典衣沽酒強追攀

春風日、柳年、到老那知稼穡難
若見田家秋作
苦教人一飯不違安

蕪城懷古最愁人
劫火燒殘得此身
舞榭歌臺何足
道秦宮漢苑尚流塵

百人聚處小喧闐
折到秋毫似計然
見說天公還掠

剝鷓形懷寶度飢年

身遊城市髮將華眼見人情似種花惟有梁間雙燕子不嫌貧巷主人家

貧女

春風有分到兒家也挿花枝表歲華但得作嬪君子室隨宜粧遣不須奢洗盡鉛華淨潔貧嫁衣莫說為他人絕憐父母窮相守不為金多賤却身枯木無枝可作花門前度盡七香車四隣日：笙歌裏背立東風有几家

他家百兩送于歸成匹鴛鴦作錦机獨守空閨愁不寐一燈明滅補寒衣燈下穿針影伴身懶將心事訴諸親阿婆許嫁無消息芍藥花開又一春

卓家人富頗輕財犢鼻堪依不用媒只似儂家貧上好枯桐那得鳳皇來

少年蕩子有黃金投贈明珠結兩心不得良媒終不肯一春風雨洞房深

伯鸞不作帳誰從鳳尾香衾翠謾重靜對菱花勻淚粉不知膏沐若為容

問天乞巧看銅儀再拜雙星恨不隨塵世未知天上
事隔河相望一年期

織手清閑理瑟工高樓半在碧雲中行人豈是知音
者小立花陰待曲終

負薪

三千門館躡珠賓半百還家衣錦身却是吏民私告
語十年前是賣薪人

薪樗塞破野人居此是餒糧卒歲儲客裏黃金燃桂
盡厨無烟火欲何如

爛柯人去隔存此一局棋終愴故鄉想得山中絕烟
火松花松子當乾糧

破帽籠頭髮半華樵歌一曲勝長嗟鷄鳴裹飯登高
去日暮天寒未到家

有薪可賣未須悲滿面青銅况有竒十指束枯漫禿
盡不堪棘刺罨人衣

天寒氣入鼻中辛竹擔膏：却恋身賣得錢來回首
望蠟煙起處屬何人

腰鎌上到白雲邊惆悵長松不盡年近市山：皆有
主遠山高峭步難前

蒸梨炊黍付荆妻指點青山澗水西忽聽丁：雲外

斧一聲山鳥背人啼
捫蘿緣壁到山頭俯羨鴻飛儘自由風雨蕭蕭葉
滑未行十步兩三休
黃昏樵采早回歸同伴相邀未有期抱子老妻門口
望南山有虎悔何追

空門

閉口桐魚勿復論數間老屋枕雲根曉鐘三板出山
去分付猕猴為守門
錫杖凌空去復還片雲縹緲伴身閑春風錯種醍醐
草引得牛來食雪山

人居天地一樊籠樊抚掌山家四壁空不道今年空得
尽且無雀鼠到山中

四植門庭寂寞秋牛頭只是舊牛頭如何一旦風光
別花落花開百鳥愁

四卷楞伽几上安而今老去懶能看庭前桂樹花開
未分別西風信鼻端

黃金攔護紫袈裟禁苑思恩深賜予奢林下衲僧那有
此多年枯木對春華

結草為芦萬仞頭人間蟻心自王侯客來借問窮通
理不意僧中有許由

白蓮有社一經過會意由來不在多滿目廬山青未
了聞鐘歸去意云何
我本三生兜率天為羗一念又塵緣早知密意無多
子不着旁行貝葉邊

燈、相續古猶今怪底門前立雪深衣不得傳閑臂
事汝師輕發老婆心

山居

春到寒芳總向榮藥苗旋種六初成山翁幸自無誰
識可要山中宰相名
空山薇蕨供清齋世事悠、不挂懷梅澗得風醒午

枕竹陰轉日上南階

白雲縹緲野人家丹華年來漸有涯不与世人爭月
歲却將椿菌勘南華

宿雨初乾一杖藜欲呼漁艇訪前溪碧桃花落無尋
處惆悵人間日又西

半屋雲霞与鹿分兩株古木正當門野花自落東流
水坐对青山酒一樽

好山當戶四無隣似是秦時採藥人千百年間天地
裏不多不少一閑身

宿世仙家十二樓誤嬰時網未深愁浮丘輩行如相

覓騎却紫雲歸去休

種藥千畦手自鋤年來漸喜識人疎
茅閑旋點黃金賣莫訝家無擔石儲

矮牕歌枕看朝榮老覺迎逢禮教生
來往頗知麋鹿性寒暄不會俗人情

擁樹溪雲迷近遠低簷山果亂紅青
莫言身外都無事早晚焚香看道徑

漁父

不踏長安十二門鸕鷀飛處數家村
停橈試向灘頭問莫是嚴光未世孫

一曲清漪濯晚霞釣竿斜插白鷗沙
傍人借問吾何處四海五湖都是家

秋風浙、獵菰蒲如此江山其可孤
天与玻璃三萬頃更添一半夕陽鋪

長作繇倫短、牽一池漢水盡南天
誰知有客量江面不是漁郎兩板船

推起篷牕抱月眠三、兩、柳邊船
不須聽說文王事孤負漁竿八十年

沒
傳呼扶柁晚風前一陣驚鷗後遠烟
不是吾儂棲泊處却回別港避官船

五湖煙裏我知魚
屬玉春鋤一處居
欲到垂虹風作
惡凡株官柳向人踈

秋聲只在樹中間
極浦斜陽更有山
卷却絲綸呼酒
盞鷗邊聊得此身閑

舟繫蓬萊淺水傍
鰲頭縮盡海生桑
百川日夜滔
去借問人間有底忙

璧月滄波上下天
秋風搖落四無邊
玉龍
起兩岸芦花不見船
盡喚眠鷗

靜佳龍尋篆
於

靜佳乙藁

庚戌壽意一先生

連安朱

繼芳

季實

江涵秋色碧潭，飲馬胡兒不敢南。
一揖熙天子歲登，三身扶紫極星辰。
露甘見說年來淮尾漲，漢庭可要百曹參。

反招隱

本末徑微，誰敲白板扉。
後行松葉滑，小摘葉苗稀。
山色自今古，塵寰多是非。
千歲鶴便肯傍人飛。

太極圖

動靜無端畫一園分明劈破又渾全日光漏得先天
意鑽入書窓箇：圓

現化

看見青虫作蝶時不知蝶是此身非牀頭為有南華
卷午枕酣來忽夢飛

蚤

蚤何唧：吟落兒童心只在竹籬外篝燈無處尋
春晚有感

坐對吳山酒闌同越客吟月明人渡淺花暗鳥啼深
往事空流水還丹未化金不堪春又晚惆悵百年心

送僧蘋洲遊醉李

師今遊醉李自刺釣舡篙地說三吳勝人夸二陸豪
草黃工女績波白課丁熬近海寒應早霜毛怯剃刀
有歎

與老本無期相尋天一涯履承雙足繭帽裏半頭絲
路近行犹歇鄉逢^遙夢豈知酒酣增意氣忽憶少年時

子規

自身歸未得却勸別人歸思婦心中事征夫淚滿衣
蜀天知近遠江樹間稠稀幸自安雙翼誰教不奮飛

老将

不把瑠刀賣，曾隨夜斫營。
老年猶善飯，壯日想能兵。
上馬身仍健，看鴻眼更明。
戰多人不信，枉指箭囊呈。

登眺

破帽任風吹，天知髮已絲。
大江流禹蹟，老樹見秦時。
北際山如礪，南溟水似池。
夜涼無夢到，久矣歎吾衰。

梨山廟

無處著詩名，梨山萬古青。
人間留此像，天上作何星。
祝史祠神醉，騷人謁夢醒。
當時青紫掄，曾有許精灵。

惜花

留春，不住春去，落花隨枉自收殘片，何堪綴旧枝。

輪蹄前日約蜂蝶，一年期代謝由來事，誰能作許悲。

桃源官罷共君以唐詩拙作贈別

自作還相送，唐詩结伴來，歸裝携此重，笑口為君開。
蓮上菓，雄穩桃邊艇，却回空餘吟卷，在沙鳥莫驚猜。

元日

堂上序周親，相看又一春。
吾年方覓老，童子儼成人。
婪尾屠酥酒，從頭鬱壘神。
何須千歲上，即此是新陳。

昭慶寺

幽尋得勝趣，城市足人能。
古柳深中磬，長廊盡處燈。
畫龍聽說法，塑佛看齋僧。
別寺徑行遍，茲遊昔未曾。

茗溪

維舟古祠下野飯就魚羹坐聽鶯人說行逢牽路平
居民誰問姓溪鴨自呼名天目無由到汾河更几程

雪中僧虛舟來

雪中聞犬吠清卧起來遲開戶千山白逢僧一箇貓
言從風絮裏憶得雨花時寒舍無祇待煎茶且說詩

湖蕩

雙橈入天影野葑綠全交魚噉垂絲柳鷗眠折葉菱
行人溪岸曲落日挂林梢歸去嚴城隔僧門尚可敲

六和塔

三百有餘年潮頭不敢顛孤去標白浪層級上青天
鈴隔山僧唵燈通海客舡老來登眺眼不道步維前

題丘芳仲月林

阿姊種婆婆秋風奈若何人間千樹少天上一枝多
必得仙槎客携將玉斧柯和根却斫却還我曰山河

贈日者

烏兔走雙丸誰將手控搏短長三萬日好醜百千般
數遠談何易天高問却誰送君尋富貴我命不中看

旅館

僕行方請息旅館復相招小市三家聚前邨五里遙

茅柴侵熟飲松葉帶生燒猶有斜陽在行吟忽斷橋

嚴憊道中

草白三丁路苔青五里牌長年車馬客巽西利名鞋
斗糴隨時貴方言到處乖近山樵有主童稚拾松釵

舟到梅雨暴漲

夜月離于畢驚師可奈何帆穿風減半江濶雨添多
側岸無牽路中流有旋渦平生施樓底得在柳梢過

對酒

莫信樵人說秦時有樹存青天浮渤海白日走昆侖
為有愁千斛時須酒一尊提壺亦相劝花下綠陰繁

客路

閨閣空相憶那知客路艱背人前去鳥迎面遠來山
夜泊孤燈情晨裝片月彎猿聲不知處杳々白雲間

送人之武昌

秋風吹落葉君作武昌遊只道從軍樂那知別路愁
寒暄楚岫色日夜漢江流大閘多珠履無為彈蒯猴

舊遊

兩峰多少寺分日去遨遊山翠橫天目湖光浴佛頭
花朝騎馬醉月夜傍船謳一被微官縛重來不自由

挽芸居

不得來書久那知是古人近吟丞相喜往事諫官嗔
身死留名在堂空着影新平生聞笛感為此一沾巾

溪寺

背人沙鳥一行斜喚客桐魚几壘樞誤向山中叅白
足不知頭上着烏紗煮茶烟暖浮新竹洗鉢泉香帶
落花過夏功勞眠與食誰能展卷看楞伽

暮春

姚黃魏紫惱人看羅襪成塵俛仰間蜀魄聲乾花有
血湘靈淚尽竹無斑年光冉：趁雙鬢暮雨霏：失
四山老裏情懷天地窄莫教一日酒杯閑

少年遊

紫陌尋芳愛馬遲一春能得几晴時海棠露重衣全
透揚柳風微帽半欹大白引浮銀鑿落小红吹徹玉
叅差人生行樂須年少莫等星：滿鏡絲

江湖偉觀

吳山表裏水為池百有餘年壯帝畿天日旧將雙鳳
下海門新拱六龍飛晉涛白雪生秋思太乙紅雲駐
夕暉江上沙鷗湖上舫徘徊風裏兩依：

用前韻謝野水郎君招飲

為首臺池無限嬌遊人歌舞尚朝：清漪浴日開金

白晴晴調風袞綠腰騷客五花唐殿馬主家七葉漢
庭貂丁寧紅紫休開遍約住春風待見邀

次韻橋亭禊事

圮上還成集禊亭杉松自古妙仍新彩虹臥飲流杯
水白鷺飛近入座賓俛仰已成今昔事東西更看往
來人聚蚊金谷皆安在若見吾徒合主臣

次庸齋先生韻贈黃隆中

醒眼隆中閱逝川茅茨為屋竹為椽吟成梁父時當
隱炊熟却鄴客正眠漢土一椽無處覓白坟三尺有
人憐君婦欲作千年計只合躬耕一寸田

聽白雲寺清師琴

古寺沉沉晝日長冷然清響發僧房昭君別去顏如
玉蘇武歸來鬢已霜山水無端言尔志炭冰何事置
吾腸老來却愛虛簷外雨滴梧桐一味涼

送李敬則之昇楊

江北江南一葉舟憑將往事問東流錦帆月冷瓊花
夜倚閣風高玉樹秋杜牧一生開笑口劉郎五絕掉
吟頭淮山眼見詩人慣高築詩壇汗漫遊

次韻池上暮雨

濕遍欄干欲倚休手中團扇漸知秋細聲合作簷間

溜大點漂成水面漚小，竹意醒倦雀踈：荷屋冷
棲鷗漁翁蓑笠隨身在立到黃昏釣未收

書意夏日

南風伊軋語意靡團扇無功白日遲長恨老來方奈
芻自後春去不吟詩更有力縈琴索蛙粉無声點
墨池偶出門前行數步石榴花過已多時

贈西蜀馮道士

峨眉山月照清溪中有方瞳一羽衣拄杖徑行天下
半丹砂乞与世人希千年城郭空歸宿萬里山河白
落暉安得与君遊汗漫乘槎一問女星机

次韻李黃州江淮偉觀

檻前卷箔見晴峰夏只武昌西復東三國六朝襟帶
地孤城四水鼓声中女墻夜送淮山月老樹秋生夢
澤風君作此堂心萬果應憐世上少英雄

示医卜逢松崖

我生八月十五夜清淺斜河浸月華願免持錢千歲
藥牽牛引動半天槎自拋蓬海傳方處曾過成都賣
卜家今日相逢圓昨夢一杯松下醉流霞

陳令君增誠齋三徑為十二徑次韻

回家三徑各風流今古悠々貉一丘拍甕新篘浮臘

賦繞堤老柳弄春柔日邊黃低催人去霞外青山聽
雀留若問西疇策笠事今還陶令一孤舟

次韻野水花朝之集

睡起台園百舌嬌一年春事說今朝鞦韆庭院紅三
徑解艸池塘綠半腰苔色染青吟屐蠟花風吹暖弊
裘貂主人自欠西湖債管領風光是客邀

和秋房題半湖樓二首

天日飛來第几峯前看屋貯虛空濕雲低亞鉤欄
角缺月斜窺戶牖中一水東西添柳岸兩山南北欠
樵風在家欲作十年計頃刻陰晴便不同

四明仙客此樓居畢竟西湖壓鑑湖曾謂家童欺賀
老不如沙雀認林逋蒲根釣水知深淺柳外行人乍
有無此景天公厭多取只分一半與吾徒

栽松道者像

手便筇杖冷脚厭芒鞋豎兩袖吹松風東岡復西山嶺

吳歌

鴈影江潭底秋聲浦溆間吳兒歌一曲月子几回彎

草虫便面

蝶舞蜂歌倦蜻蜓看未休誰知織婦意方夏已思秋

意行橋

我行且奚適興尽息自返倒影射清漪回光在橋板

塵外

塵飛不到處山色入芒屨乘興一長吟回頭已忘句

鴻

鴻飛九天上人在平地望塵土与青雲其間能几丈

聽雪

瓦溝初瑟瑟隱几坐虛白良久却無声門前深几尺

東菑

東菑足時雨離半青黃田家不待穫小摘炊新香

畫舫

畫舫菱中出青山樹上斜浪醒孤客酒塵盖萬人家

溪村 六言

擇柳正當官道漁舟偏繫柴門今年春水深淺看取

層々岸痕

雨洗山光綠淨波涵天影清空草際自浮鵝鴨柳陰

分坐兒童

漁翁

漁翁家在何許慣宿芦花不歸昨夜江村欲雪百錢
買得蓑衣

揚州

金陵王氣水東流，到東淮古岸頭。夜半一聲天上
曲錦帆，天子下揚州。

七夕

兒女穿針夜向分，樓頭月落尚鑪熏。憑誰為覓机邊
石，留取支牀臥白雲。

野望

帝青八萬四千里，更著修眉一兩尖。古往今來愁得
盡，不教我輩送愁添。

題李秋堂盟鷗集

相逢已恨十年遲，買酒吳山一夜詩。明日送春仍送

客，柳花風颺鬢絲。

航海

地角與天倪，茫々何處期。星回析木次，日挂扶桑枝。
沉石尋孤嶼，浮針辨四維。飄然一擢意，持此欲安之。

橋西

雲澹風微日未低，瘦藤扶到小橋西。林花過雨相爭
發，谷鳥無人自在啼。

淮客

長淮萬里秋風客，獨上高樓望秋色。說與南人未必
聽，神州只在闌干北。

調宜州冷官不赴

瘴海南邊路淺深客愁不待嶺猿吟無人喚得涪翁
起分我枕柳檝攬陰

辛亥二月望祭齋宮因游甘園

山入湖光碧四圍棋杆零落菊田稀蒲芽短、鴛鴦
冷惟有漁師几網歸

朝霏作雨連天濕春氣熏人到骨香四望水亭無正
面有花多處背湖光

海棠陰下小徘徊履齒深、一徑苔忽听銅鈿花外
近園丁說是生主人來

老眼看花興未厭不知頭上雨廉纖流鶯浪語春風
恨誰拗花枝揜帽簷

公事相妨一半春今朝總得自由身眼中領畧能多
少細雨斜風便始入

晚眺

鳥飛欲盡暮烟橫一笛西風萬里晴山外有山青不
見微雲映出却分明

次意一先生仙霞壁間韻

回首仙源隔彩霞叢祠搜內有飢鴉正元朝士重來
晚不見桃花見菜花

宜春臺

定王來換長安土北望長安日几迴更有築臺歸未
得憑高却望定王臺

行路難贈蕭坦翁

行路難居不易旋買生柴煮一字三千風月不直一
杯水何用狂吟動天地君不見陸天隨忍窮讀書白
眼屠沽兒又不見孟東野載少於車：是借丈夫吐
氣摩星斗六印黃金真唾手莫吟詩：能窮人君不
知古人坐詩窮到骨今人方笑古人癡又聞夜半舟
移壑却嘆東門黃犬華亭雁人生短長無百年富貴
未必如賤貧富貴賤貧何足據出門揔是止羊路居
不易行又難况是長安十二門相逢一笑豈易得莫
惜床頭沽酒錢

送李秋堂赴京口酒人

客懷正賴春相与苦欲留春天不許送君一舸下南
徐落花起舞流鶯語鮫人浴出扶桑繭天女染作紅
雲段君從何處得錦机借与人間為樣看青杏園深
暖滿長柳綿如雪撲酒缸吳姬道字未端正當壚學
唱新番腔龍髓百萬張願仰都将鉄甕盛春釀有客
高談四座傾主人合序諸侯上日边此别各南北君

願始髭我衰白何以贈之折柳條千絲萬絲心揉
讀黃玉溪湯婆傳

君不見湯家阿泉驪山陰出入宮掖承恩深只流妃
子脂粉氣不暖少陵如鉄衾又不見湯家阿池紫塞
上沉香霧擁將軍帳天寒十指墮弓刀底用空言如
扶繡何如韓時老湯婆冬則飲湯惟腹皤形模混沌
婦女笑閉塞其兌藏天和老生門前十日雪兩脚凍
皴眠不得新無蛩素構心兵賴有婆兮相暖熱夫人
竹氏青玲瓏炎：几時柰秋風婆恥居下常熱中毋
棄憔悴以御冬得黃太史五字詩厥孫傳之尤滑稽
霜風蕭：歲年晚吾喜湯婆有完傳

挽周伯弼

今日忽不樂散行湖水濱有懷天下士遽作夢中人
醉語驚天地狂歌哭鬼神九原如可贖那不百其身

贈續崇

誰謂崇君死餘香解返魂六丁將不去孤子續猶存
料斗三共續蟬魚再世冤向來詩作崇揮涕對人言

滄浪風月

我登滄浪亭復歌滄浪曲歌竟復長歌香：山水綠
天風吹散髮山月照濯足為謝獨醒人：家酒初熟

有懷鷲山次僧芳_庭韻

一塔與雲齊，尋僧路不迷。
小舟沙鳥外，疎磬夕陽西。
古樹含雲匝，春橋覆水低。
鷲峰飛不去，夜半子規啼。

柳

臨水送將歸，春風折贈時。
而今三丈樹，先是手中枝。

鷗

採魚秋江上，鷗鳥來相隨。
蕩槳忽驚起，雲天碧四垂。

天竺分韻得芳字

縹緲白雲鄉，天風吹曉涼。
人尋水源至，路入樹陰長。

^畫畫靜聞晴，_畫晴春餘拾澗芳。
余心忽有得，欲語又還忘。

端隱學菴序

七閩山川奇秀，行建釵以南溪流，益駛傑峯峻崖，挺挺峭立，渟涵鍾結，發為人物，皆懷偉俊，明抱負之美，至不減中州。故擔簦負笈來試于京者，常半天下。家有庠序之教，人設詩書之澤，而仕于朝為天子侍從，親近之臣，出牧大藩，持節居方面者，亦常半而今世之言衣冠文物之盛，必稱七閩。吾福_文又七閩之盛也。古為長樂郡縣，因以名。有林君尚仁者，一日以詩來謁，讀其詩，識其為人，也揖之_進進使之坐，與之上下議論，皆纒纒可聽，知其深乎詩而非苟于作者也。因請定交，越數日，林君又出數則，以示讀之，矍然而喜，因

請見全葉林君曰余平生苦於吟所得亦不少矣然
微不合我意則裂去惟恐後今存者無几何公有命
其奚敢辭又數日林君携短編以過見之愕然而驚
離席而起執其手謂林君曰子腸腑間豈皆錦繡耶
不然何其言之多美也嗚呼吾知之矣子生於山川
奇秀之區而家於文物衣冠最盛之地呼吸其所謂
瓌偉俊明之氣而來西湖之上漱濯於清冷之濱以
發其胸中所有者吾聞昔孤山有和靖翁高風退節
凜凜可尚君豈其耳孫乎蓋嘗登茲山而閤乃翁旧
游今其朝煙暮雲冉冉滿山而昔所謂蒼童白雀尚
無恙乎老梅玉立如故不知暗香疎影之句尚可得
而聞乎千百載之下誦其詩如見其人余意翁未嘗
止也子行山中久矣清風明月之夕或一遇之翁必
有以授子矣因且詩之多美言也嗟夫天下之義理
無窮而詩為雜工昔余率然而作今退然而悔者多
矣林君益務勉之使余屢見而屢驚焉則夫所以期
林君者不止此林君字潤叟自號端隱其為詩專以
姚合賈島為法而精要深潤則過之每來對余言切
切然惟憂其詩之不行於世而貧賤困苦莫之憂也
現其志蓋知所尚矣余誠惧乎世之知林君者未能



衆故樂為序其詩而表出之浚有知林君必自此詩
始溥祐歲辛亥小至日陳必復書于封禺山中